

Na osnovu člana 30. i člana 101. Statuta Javne zdravstveno-nastavne ustanove Dom zdravlja „Dr Mustafa Šehović“ Tuzla broj: 04-1773-1/23 od 27.03.2023 godine, člana 118. Zakona o radu („Službene novine Federacije Bosne i Hercegovine“, broj: 26/16, 89/18, 23/20, 49/21 i 44/22), Kolektivnog ugovora o pravima i obavezama poslodavaca i doktora medicine i stomatologije za područje djelatnosti zdravstvene zaštite u Tuzlanskom kantonu broj: 02/1-30-15832-1/24 od 14.06.2024 godine i Kolektivnog ugovora o pravima i obavezama poslodavaca i radnika u oblasti zdravstva na području Tuzlanskog kantona broj: 02/1-30-15828-1/24 od 14.06.2024 godine, na prijedlog Direktora Ustanove, Upravni odbor Javne zdravstveno-nastavne ustanove Dom zdravlja „Dr Mustafa Šehović“ Tuzla na sjednici održanoj dana 01.07.2024.godine, *d o n o s i*

**PRAVILNIK O IZMJENAMA I DOPUNAMA
PRAVILNIKA O RADU – IV dio
(plaće, naknade i druga primanja u vezi sa radom)**

Član 1.

Ovim Pravilnikom vrše se izmjene i dopune Pravilnika o radu – IV dio (plaće, naknade i druga primanja u vezi sa radom) broj: 04-3878-1/2021. od 01.09.2021.godine (u daljem tekstu: Pravilnik), Pravilnika o izmjenama i dopunama Pravilnika o radu – IV dio (plaće, naknade i druga primanja u vezi sa radom) broj: 04-5547-1/2022. od 24.10.2022.godine i Pravilnika o izmjenama i dopunama Pravilnika o radu – IV dio (plaće, naknade i druga primanja u vezi sa radom) broj: 04-6565-1/2023. od 24.11.2023.godine.

Član 2.

Član 8. Pravilnika mijenja se i novi tekst glasi:

„Koeficijent složenosti poslova, radnih mjesta za obračun osnovne plaće po Kolektivnom ugovoru o pravima i obavezama poslodavaca i doktora medicine i stomatologije za područje djelatnosti zdravstvene zaštite TK iznosi:

Grupa složenosti	Poslovi	Koeficijent
I	Poslovi za koje je potrebna visoka stručna sprema zdravstvenog smjera	5,00
II	Složeni i vrlo složeni poslovi –zdravstvenog usmjerenja i specijalizacija	5,65
III	Složeni i vrlo složeni poslovi – zdravstvenog usmjerenja i subspecijalizacija	5,85

✓ Zanimanje I grupe – koeficijent složenosti 5,00

Zanimanje, odnosno poslovi za koje je predviđena visoka stručna sprema zdravstvenog usmjerenja:

- doktor medicine
- doktor stomatologije

✓ Zanimanje II grupe – koeficijent složenosti 5,65

Složeni i vrlo složeni poslovi za koje je potrebna visoka stručna sprema zdravstvenog usmjerenja i specijalizacija

✓ Zanimanje III grupe – koeficijent složenosti 5,85

Složeni i vrlo složeni poslovi za koje je potrebna visoka stručna sprema zdravstvenog usmjerenja i subspecijalizacija.

Koeficijent složenosti poslova, radnih mjesta za obračun osnovne plaće po Kolektivnom ugovoru o pravima i obavezama poslodavaca i radnika u oblasti zdravstva na području TK iznosi:

Grupa složenosti	Poslovi	Koeficijent
I	Jednostavni poslovi	1,30
II	Manje složeni poslovi	1,50
III	Srednje složeni poslovi III stepen obrazovanja odnosno KV radnici	1,90
IV	Složena zanimanja – IV stepena nezdravstvenog usmjerenja	2,45
V	Složeni poslovi – VKV	2,70
VI	Složeni poslovi – SSS zdravstvenog usmjerenja	2,70
VII/1	Složeni poslovi – VŠS nezdravstvenog usmjerenja	3,00
VII/2	Zanimanje odnosno poslovi VŠS – zdravstvenog usmjerenja	3,20
VIII/1	Zanimanje odnosno poslovi VSS – nezdravstvenog usmjerenja	3,85
VIII/2	Zanimanje odnosno poslovi VSS – zdravstvenog usmjerenja-visoka zdravstvena škola	3,85
IX/1	Složeni i vrlo složeni poslovi VSS –nezdravstvenog usmjerenja i dodatno stručno usavršavanje	4,35
IX/2	Zanimanja i poslovi VSS zdravstvenog usmjerenja	5,00
IX/3	Složeni i vrlo složeni poslovi – VSS zdravstvenog usmjerenja i specijalizacija	5,65

X	Složeni i vrlo složeni poslovi – VSS zdravstvenog usmjerenja i subspecijalizacija	5,85
---	---	------

✓ Zanimanje I grupe – koeficijent složenosti 1,30

Jednostavni poslovi, odnosno poslovi za koje je potrebna osnovna škola (poslovi čišćenja radnih, administrativnih i zajedničkih prostorija, skupljanje smeća i drugih otpadaka iz administrativnih prostorija, briga o stanju sredstava za čišćenje i drugi poslovi koji se obavljaju po jednostavnom postupku i sa jednostavnim sredstvima rada).

✓ Zanimanje II grupe – koeficijent složenosti 1,50

Manje složeni poslovi, odnosno zanimanja sa prethodnim priučavanjem za koje je potrebna osnovna škola sa dodatnim funkcionalnim znanjima, vještinama stečenim na tečajevima ili odgovarajućim praktičnim iskustvima:

- poslovi održavanja čistoće u zdravstvenim ustanovama (čišćenje, pranje i spremanje ordinacija, dezinfekcija prostorija, predmeta i pribora, transportovanje nečistog rublja i sl.),
- poslovi pranja laboratorijskog posuđa, ambalaže pribora za rad (priprema oruđa za mikrobiološke postupke, pranje laboratorijskog posuđa, razvrstavanje sterilizovanog posuđa prema namjeni i sl.),
- jednostavni poslovi na uspostavljanju telefonskih veza,
- pomoćni poslovi u praonicama rublja (tehničkim radionicama i sl.),
- pomoćni poslovi pakovanja sanitetskog materijala i sl.

✓ Zanimanje III grupe – koeficijent složenosti 1,90

Srednje složeni poslovi, odnosno zanimanja za koje je potrebna stručna sprema predviđena programom za III stepen obrazovanja, odnosno KV radnici:

- poslovi tehničkog održavanja (zanatsko održavanje instalacija, uređaja vozila, objekata i opreme, poslovi krojača na nivou zvanja kalifikovanog radnika i sl.),
- poslovi uspostavljanja veza većeg intenziteta –operater na telefonskoj centrali,
- poslovi običnog transporta bolesnika i drugi opći prevoz,
- poslovi na pranju i peglanju rublja u mašinskim i automatizovanim uslovima,
- srednje složeni administrativni poslovi i poslovi evidencija.

✓ Zanimanje IV grupe – koeficijent složenosti 2,45

Složena zanimanja, odnosno poslovi za koje je potrebna srednja stručna sprema predviđena sa četvorogodišnjim trajanjem, a koje obavljaju radnici nezdravstvenog usmjerenja:

- administrativni poslovi (knjigovodstveni, administrativni u zdravstvenoj administraciji i socijalnoj zaštiti i općoj administraciji, sekretarski poslovi i sl.),
- zanatski poslovi odgovarajućeg stepena složenosti.
- poslovi portira i čuvara.

✓ Zanimanje V grupe – koeficijent složenosti 2,70

Složeni poslovi, odnosno zanimanja za koje je potrebna VKV :

- složeni poslovi održavanja tehničke opreme i uređaja,

- složeni poslovi sanitetskog transprota.

✓ Zanimanje VI grupe – koeficijent složenosti 2,70

Složeni poslovi, odnosno zanimanja za koja je potrebna srednja stručna sprema zdravstvenog usmjerenja.

✓ Zanimanje VII/1 grupe – koeficijent složenosti 3,00

Složeni poslovi, odnosno zanimanja za koje je potrebna viša školska sprema nezdravstvenog usmjerenja.

✓ Zanimanje VII/2 grupe – koeficijent složenosti 3,20

Složeni poslovi, odnosno zanimanja za koje je potrebna viša školska sprema zdravstvenog usmjerenja.

✓ Zanimanje VIII/1 grupe – koeficijent složenosti 3,85

Zanimanje, odnosno poslovi za koje je predviđena visoka stručna sprema nezdravstvenog usmjerenja.

✓ Zanimanje VIII/2 grupe – koeficijent složenosti 3,85

Zanimanje, odnosno poslovi za koje je predviđena visoka stručna sprema zdravstvenog usmjerenja – visoka zdravstvena škola.

✓ Zanimanje IX/1 grupe – koeficijent složenosti 4,35

Zanimanje, odnosno poslovi za koje je predviđena visoka stručna sprema nezdravstvenog usmjerenja, dodatno stručno usavršavanje i to:

- Poslovi diplomiranog ekonomiste sa certifikatom ovlaštenog reviozora, ovlaštenog internog revizora ili računovođu
- Poslovi diplomiranog pravnika sa položenim pravosudnim ispitom
- Poslovi diplomiranog inženjera elektrotehnike/mašinstva sa certifikatom za održavanje medicinske opreme,
- Poslovi diplomiranog inženjera elektrotehnike koji je ovlašten za obavljanje poslova projektiranja iz oblasti elektrotehnike, smjer informatika i računarstvo,
- Poslovi VSS nemedicinskih radnika sa certifikatom za obavljanje poslova odgovornog lica za zaštitu ljudi i imovine,
- Poslovi fizičara-specijaliste medicinske fizike i fizičara sa certifikatom za eksperta za zaštitu od zračenja,
- Poslovi drugih zanimanja nezdravstvenog usmjerenja potrebna zdravstvenom sektoru, koja su utvrđena aktima nadležnog ministarstva zdravstva.

✓ Zanimanje IX/2 grupe – koeficijent složenosti 5,00

Zanimanje, odnosno poslovi za koje je predviđena visoka stručna sprema zdravstvenog usmjerenja:

- doktor medicine,
- doktor stomatologije,
- magistar farmacije,
- diplomirani ing. medicinske biohemije.

- ✓ Zanimanje IX/3 grupe – koeficijent složenosti 5,65

Složeni i vrlo složeni poslovi za koje je potrebna visoka stručna sprema zdravstvenog usmjerenja i specijalizacija.

- ✓ Zanimanje X grupe – koeficijent složenosti 5,85

Složeni i vrlo složeni poslovi za koje je potrebna visoka stručna sprema zdravstvenog usmjerenja i subspecijalizacija.

Ovim Pravilnikom ne mogu se detaljnije razraditi grupe složenosti poslova.

Svakom zanimanju, odnosno poslovima, može se utvrditi samo onaj koeficijent složenosti kojoj grupi pripadaju prema Kolektivnim ugovorima.“

Član 3.

Član 21. stav 1. Pravilnika mijenja se i novi tekst glasi:

„Radniku za vrijeme trajanja specijalizacije pripada plaća u visini plaće doktora medicine i stomatologije, magistra farmacije i diplomiranog inženjera medicinske biohemije a u skladu s Kolektivnim ugovorom o pravima i obavezama poslodavaca i doktora medicine i stomatologije za područje djelatnosti zdravstvene zaštite u TK i Kolektivnim ugovorom o pravima i obavezama poslodavaca i radnika u oblasti zdravstva na području TK.“

Član 4.

Sve ostale odredbe Osnovnog Pravilnika i Pravilnika o izmjenama i dopunama Pravilnika o radu IV dio, koje nisu pretrpjele izmjene, ostaju i dalje na snazi.

Član 5.

Ovaj Pravilnik stupa na snagu danom donošenja, a primjenjuje se od 01.06.2024 godine.

JAVNA ZDRAVSTVENO-NASTAVNA USTANOVA
DOM ZDRAVLJA “Dr Mustafa Šehović” TUZLA
Broj: 04-4819-2/2024.
Tuzla, 01.07.2024.godine

PREDSJEDNIK
UPRAVNOG ODBORA,

/Asja Kravić, dipl.pravnik/

Pravilnik o izmjenama i dopunama Pravilnika o radu – IV dio (plaće, naknade i druga primanja u vezi sa radom) objavljen je na Oglasnoj ploči Ustanove dana _____2024.godine.

O b r a z l o ž e n j e

Pravni osnov za donošenje Pravilnika o radu- IV dio (plaće, naknade i druga primanja u vezi sa radom), u daljem tekstu (Pravilnik) je usvajanje Kolektivnog ugovora o pravima i obavezama poslodavaca i doktora medicine i stomatologije za područje djelatnosti zdravstvene zaštite u Tuzlanskom kantonu broj: 02/1-30-15832-1/24 od 14.06.2024 godine i Kolektivnog ugovora o pravima i obavezama poslodavaca i radnika u oblasti zdravstva na području Tuzlanskog kantona broj: 02/1-30-15828-1/24 od 14.06.2024 godine.

Ovim Pravilnikom u cijelosti se mijenja član 8. koji se odnosi na koeficijente složenosti poslova radnih mjesta za obračun osnovne plaće, a u cilju usaglašavanja sa Kolektivnim ugovorom o pravima i obavezama poslodavaca i doktora medicine i stomatologije za područje djelatnosti zdravstvene zaštite u Tuzlanskom kantonu i Kolektivnim ugovorom o pravima i obavezama poslodavaca i radnika u oblasti zdravstva na području Tuzlanskog kantona.

Takođe, ovim Pravilnikom mijenja se i član 21. stav 1. Pravilnika koji definiše plaće doktora za vrijeme specijalizacije.

Na ovaj Pravilnik pribavljena je pisana saglasnost od strane Osnovne organizacije nezavisnog strukovnog sindikata radnika zaposlenih u zdravstvu koji su dostavili akt broj: 01-4834-1/24 od 01.07.2024 godine bez primjedbi i prijedloga kao i od strane Strukovnog sindikata doktora medicine i stomatologije TK – Podružnica JZNU Dom zdravlja Tuzla koji su dostavili akt broj: 4832-1/24 od 01.07.2024 godine bez primjedbi i prijedloga.

Za realizaciju ovog Pravilnika, a u skladu s Kolektivnim ugovorom o pravima i obavezama poslodavaca i doktora medicine i stomatologije za područje djelatnosti zdravstvene zaštite u Tuzlanskom kantonu i Kolektivnim ugovorom o pravima i obavezama poslodavaca i radnika u oblasti zdravstva na području Tuzlanskog kantona, obezbjeđena su sredstva za povećanje plaća kroz potpisivanje Aneksa I Ugovora o pružanju usluga zdravstvene zaštite za 2024 godinu s Zavodom zdravstvenog osiguranja TK.

Imajući u vidu sve naprijed navedeno predlaže se donošenje ovog Pravilnika.

Predlagač
Direktor Ustanove

Prim.prof.dr.sc. Samir Mačković